

Headline	BIMB Invest lancar dana aset campuran		
MediaTitle	Berita Harian		
Date	26 Mar 2014	Color	Black/white
Section	Ekonomi	Circulation	138,805
Page No	B6	Readership	1,048,000
Language	Malay	ArticleSize	88 cm <sup>2</sup>
Journalist	N/A	AdValue	RM 1,543
Frequency	Daily	PR Value	RM 4,630



## BIMB Invest lancar dana aset campuran

**BIMB** Investment Management Bhd (BIMB Invest), anak syarikat milik penuh Bank Islam Malaysia Bhd memperkenalkan dana aset campuran patuh syariah, **BIMB i Flexi Fund** yang distruktur bagi menawarkan peluang peningkatan modal jangka panjang kepada pelabur.

Pengerusi BIMB Invest, Datuk Seri Zukri Samat, berkata dana itu akan dilaburkan dalam pelbagai portfolio ekuiti dan instrumen berpendapatan tetap serta mengamalkan strategi tetap peruntukan aset yang fleksibel.

Beliau berkata, BIMB i Flexi Fund direka sebagai tindak balas kepada perubahan keadaan pasaran selain untuk memenuhi keperluan pelanggan yang semakin rumit.

“Apabila pasaran ekuiti memberangsangkan, dana berkenaan akan menumpukan peruntukan asetnya dalam pasaran ekuiti dan mengurangkan peruntukan dalam pelaburan pendapatan tetap. Apabila pasaran ekuiti lemah, penumpuan kepada pasaran ekuiti dikurangkan dan tumpuan lebih diberikan kepada pelaburan pendapatan tetap.

“BIMB i Flexi Fund mempunyai fleksibiliti pelaburan sehingga 99 peratus daripada nilai aset bersih (NAB) dana dalam ekuiti patuh syariah atau boleh melabur sehingga 99 peratus daripada NAB dana di dalam sukuk dan instrumen pasaran wang Islam,” katanya selepas menyempurnakan majlis pelancaran BIMB i Flexi Fund, di Johor Bahru, semalam.